

neun werckschüh / breitt zweyer spannen vnd dreyer finger / dick zweyer spannē vnd einen finger. Das erste donholz aber ist von dē anderē fünff werckschüh / ein spannen / ein quārfinger / vnd zwar dauornen vñ dahinden / dan da selbig werden außerthalb der seulen / jettliche donholzer gesetzt: mitt gleicher weite ist das dritte von dem vierdren / aber das ander ist vom dritten ein werckschüh vnd drey quārfinger / vnd zügleicher weiß / die andere acht donholzer / werden mitt weitten darzwüschē vndercheiden. Dan das fünffte vom sechsten / vnd das siebendte vom achten / ist so weitt daruon / als weitt das erst vom anderen / vnd das dritt vom vierdren. Aber das sechste von dem siebenden ist so weitt / als das ander vō dritten / zwey donholzer aber haltend ein brett in die quār / das sechßschüh lang ist / ein schüh breitt / ein spannen dick / welchs von den zweyen hinderen seulen / ist drey werckschüh / vnd zwo spannen. So aber der brettern sechs seindt / so werden in jede zwen belg gsetzt / welcher vñ das balgbret / auß inē herauß einer spannē ghet / beid balgbreter aber eiserne ring / ghēdt hinab durch sein spundloch des brets / vnd wirt darein ein hülziner rigel getrieben / das er wie obmals gesagt ist / vhest bleibe: aber beider balg / ghet durch dē rugt sein es donholz in die küpfferen form / in welche beide ließe gesetzt wirt / ihren köpffern eng züsamen gefügt: aber die form mitt einem küpfferen oder eisernen blech züsamen gsalzet / ein werckschüh lang / vnd zweyer spannē / auch so viel quārfinger / dick ein halben quārfinger / doch an sein vnderen teil ein quārfinger / welches vorder holes teil drey quārfinger breitt ist / dritthalben quārfinger hoch / dan es ist nicht ganz rund / d hinder teil aber ist Breit ein werckschüh / zwo spannē / drey quārfinger. Das blech aber an dē oberen teil da es züsamen ist gsalzet / ghet gar nicht züsamen / sonder es bleibet ein ritz eines halbē quāringers breit / welcher dahindē / bey dreyer fingern sich auffthut: dise form wirt in des schmeltz ofens mundloch gelegt / das ich hab g sagt / es seye in der mittlestē mauren vnd bogen. Aber die ließe der belgen / in dise rören gesetzt / seindt vor sein forderen teil / bey fünff quārfinger.

Die vorderen schwellen A. Die hindere schwellen B. Die vordere seulen C. Ihre löcher D. Der trom so hinein glassen E. Die hinderen seulen F. Ihre löcher G. Der trom so hinein glassen H. Ein pfulbaum in die seulen geschlossen I. Donholzer K. Die bretter L. Ihre löcher M. Die röre N. Sein hinder teil O. Sein vorder teil P.

B 4 Aber